

Mensahe 11

**Ang Tiunayng Kahulogan
sa Pagpangalagad ni Esdras ug sa Pagpanguna ni Nehemias—
Magtukod sa Iglesia
nga Balay sa Dios ug Ginghamarian sa Dios
pinaagi sa Pagkinabuhi ug Pagbuhat sa Bag-ong Jerusalem**

Basahong Kasulatan: Bug. 21:2, 9-11, 18; 22:1

- I. **Ang tiunayng kahulogan sa pagpangalagad ni Esdras gipadayag sa mga pulong *pagputli*, *pag-edukar*, ug *pag-umol pag-usab*; ang tiunayng kahulogan sa pagpanguna ni Nehemias gipadayag sa mga pulong *paggahin*, *panalipod*, ug *pagpadayag*; mobulig gyod ta sa Ginoo sa langitnong pagpangalagad Niya nga magtukod sa iglesia nga balay sa Dios ug ginghamarian sa Dios pinaagi sa pagkinabuhi ug pagbuhat sa Bag-ong Jerusalem uyon ning tiunayng kahulogan—1 Hari 8:48; Sal. 48:1-2; 1 Tim. 3:15; Efe. 2:21-22.**
- II. **Ang pagkinabuhi ug pag-alagad sa Dios segun sa panan-awon sa panahon diha sa pagpangalagad sa panahon pagkinabuhi ug pagbuhat man sa Bag-ong Jerusalem: “jaspe ang pagkatukod sa paril niini; ug lunsayng bulawan ang syudad, sama sa tin-aw nga bildo”—Bug. 21:18; Buh. 26:19; 22:15; Bug. 21:2, 9-11:**
 - A. Kanang lunsayng bulawan ang syudad, sama sa tin-aw nga bildo, nagtimaan nga nagkinahanglan ta sa *pagputli* sa Dios sa balaang kinaiya Niya ug sa paghayag pinaagi sa *pag-edukar* sa pag-aplikar sa mga pagtulon-an sa Biblia sa atong salabotan aron mabag-o ug mahayagan ang atong salabotan aron magmatin-aw ta kalabot sa mga hunahuna, mga gitagad, ug mga paagi sa Dios—itandi sa Mat. 5:8; Efe. 4:23; Juan 17:17.
 - B. “Ang buhat sa pagtukod” mao ang bugtong-talagsaong buhat sa Dios sa *pag-umol pag-usab* kanato sa Tulo-usang Dios aron matukod ta pag-usab uban Niya ug ipangalagad Siya ngadto sa uban aron matukod Niya ang Iyang Kaugalingon nganha sa ilang pagkatawo ug himoon silang mga tawo sa Bag-ong Jerusalem—1 Cor. 3:9, 12; Efe. 3:16-19; Bug. 3:12; A. A. 6:4; Heb. 11:10.
 - C. Ang syudad ug ang paril niini nagtimaan sa Bag-ong Jerusalem nga walay kataposang ginghamarian sa Dios ubos sa pagkaulo sa Dios aron *magahin* ang katawhan sa Dios ug *mapanalipdan* ang mga interes sa Dios—Neh. 4:17; Efe. 5:26.
 - D. Kanang jaspe ang kuta sa syudad (ang kinabuhi sa Dios sa kadato niini) ug bulawan ang syudad (ang diosnong kinaiya sa Dios) nagpadayag nga ang walay kataposang pamatigayon sa Dios pagpasama man kanato Kaniya sa kinabuhi ug kinaiya apan dili sa ranggo sa pagka-Dios alang sa bugtong-talagsaong *pagpadayag* Niya—Gen. 1:26; Juan 10:10b; 2 Ped. 1:4; Bug. 4:3; 21:10-11, 18.

III. Ang pagkinabuhi ug pagbuhat sa Bag-ong Jerusalem pagkinabuhi ug pag-alagad man diha sa tiunayng kahulogan sa pagpangalagad ni Esdras ug pagpanguna ni Nehemias:

- A. Magpabilin gyod ta sa kahikayan nga giputli ta sa tanang sambog, naghimo sa Ginoo ug sa mga interes sa Iyang walay kataposang pamatigayon nga bugtong-talagsaong tumong nato—Esd. 9:2; Mat. 5:8; 1 Tim. 3:9; 2 Cor. 6:4a, 6; Luc. 9:54-55; Heb. 4:12; 1 Hari 8:48:
1. Maputli ta pinaagi sa kahikayan sa paghayag, pagbutyag, ug paghukom sa Dios, pinaagi sa pagtapos ug pagwala sa krus, pinaagi sa paghinlo ug paghugas sa dugo, ug pinaagi sa pag-agay ug pagsurop sa Espiritu—Sal. 139:23-24; 51:7, 10; Bug. 22:1.
 2. Maputli ta pinaagi sa kahikayan sa paghugas sa tubig sa kinabuhi diha sa lunsayng pulong sa Dios; labi nga maanaa sa pulong sa Dios ang tawo, maglabi sab siya kaputli—Sal. 12:6; 119:9, 140; Efe. 5:26; Isa. 55:8-11.
 3. Gipadayag sa Levitico 19:19 nga gusto ang Dios nga masumala sa matang niini ang tanang butang, nga walay sambog—Bug. 17:3-6; Deut. 22:5, 9-11; itandi sa Gen. 1:11, 21, 24-26; 2:7-9:
 - a. Ang pagpasanay sa baka nga walay sambog nagtimaan nga dili mahimong sambogan ang kinabuhi; ang mga nagkinabuhi sa kinabuhi sa Dios dili gyod magkinabuhi sa unod—itandi sa Gal. 5:16.
 - b. Ang pagpugas og binhi nga walay sambog nagtimaan nga sa pagpangalagad sa pulong usa ra gyod ka matang nga binhi, usa ra ka matang nga pagtulon-an, ang ipugas—ang bugtong-talagsaong pagtulon-an sa walay kataposang pamatigayon sa Dios—Deut. 22:9; 1 Tim. 1:3-4; 6:3.
 - c. Ang paggamag bisti nga dili sagolon ang materyales nagtimaan nga dili mahimong sagolon ang paggawi nato; ang mga nagkinabuhi sa kinabuhi sa Bag-ong Tugon dili gyod magkinabuhi subay sa kabalaoran sa Daang Tugon (Gal. 2:19-20; 5:1-6), ug ang mga iya sa Ginoo dili gyod magkinabuhi uyon sa mga batasan sa mga Gentil (Lev. 20:23; 18:3; itandi sa Efe. 4:17; Rom. 12:2a).
 4. Niingon ang 1 Pedro 1:22 nga, “Sanglit naputli na man ninyo ang inyong mga kalag pinaagi sa inyong pagsugot sa kamatuoran ngadto sa walay pagminaot nga gugmang inigsoon, maghigugmaay mo sa usag usa sa mainiton gyod gikan sa putling kasingkasing”:
 - a. Nagpasabot kini nga kanang maputli ang atong kalag (ang atong salabotan, pagbati, ug pagbuot) pagkaluwas man niini gikan sa tanang butang nga dili Dios ug matumong sa Dios nga bugtong tinguha ug tumong (1 Cor. 2:9-10; 2 Tes. 3:5); mosugot ngani ta sa kamatuoran, sa sulod ug realidad sa atong pagtuo ni Cristo (2 Tim. 4:7; Tito 1:1), matumong sa Dios ang tibuok natong kalag ug sa ingon niana maputli sa tanang butang nga dili Dios.

Mensahe 11 (sumpay)

- b. Kay ang pagputli sa atong mga kalag makapatumong man sa tibuok natong pagkatawo sa Dios aron mahigugma ta Niya sa tibuok natong kasingkasing, sa tibuok natong kalag, ug sa tibuok natong salabotan (Mar. 12:30), mosangpot kanang pagputlia sa walay pagminaot nga gugmang inigsoon, sa mainiton ug kinasingkasing nga paghigugma nato sa mga gihigugma sa Dios (Juan 13:5, 14-17, 34-35; 2 Ped. 1:5, 7; Rom. 12:9-11; 2 Tim. 1:6-7; 1 Tes. 3:12; 4:9-10; Heb. 13:1; 1 Juan 2:5-8; 3:11, 23; 4:7-8, 16-21).
- B. Kinahanglan maedukar ta aron makaedukar ta sa uban pinaagi sa kamatuoran alang sa panghimatuod sa Dios, sa hiniusang pagpadayag Niya—2 Tim. 2:2; 1 Tim. 3:15-16; 6:3; 1 Cor. 14:31:
1. Dunay mga ngalan sa napulog duha ka apostol sa Cordero ang napulog duha ka patukoranan sa balaang syudad, sa Bag-ong Jerusalem, nagpakita nga gitukod ang Bag-ong Jerusalem segun sa pagtulon-an sa mga apostol, sa himsog nga pagtulon-an sa pamatigayon sa Dios—Bug. 21:14; Buh. 2:42; 2 Tim. 1:15; Tito 1:9; 2 Tim. 2:2.
 2. Batid si Esdras sa kasugoan sa Dios, nga may kalabotan sa pamatigayon sa Dios; ang kasugoan hulagway ni Cristo nga Pulong sa Dios, panghimatuod sa Dios, larawan sa Dios, pagpadayag sa Dios—Exo. 16:34; 34:28; itandi sa Bug. 1:2.
 3. Sa pagduol nato ni Cristo nga buhing pulong diha sa sinulat nga pulong, mahimo Siyang giaplikar nga pulong aron matuhopan ta Niya ug mahimong panghimatuod ni Jesus—Juan 1:1; Bug. 19:13; Juan 5:39-40; 6:63; Bug. 1:2, 10-11.
 4. Sa pagpabilin nato sa bugtong-talagsaong pagpangalagad sa pagtulon-an sa pamatigayon sa Dios, makasabot ta sa tiunayng kahulogan sa Pulong aron mapuno sa kahayag sa kinabuhi—Neh. 8:8, 13; Mat. 4:12-16; Juan 1:4-5.
 5. Kat-onan gyod nato ang paggamit sa bag-ong pinulongan, “sa pinulongan sa Juda,” sa bag-ong kultura, sa Dios-tawong kultura sa bag-ong tawo—Neh. 13:23-24.
- C. Kinahanglan maumol ta pag-usab sa grasya, nga mao ang nahikay nga Tulo-usang Dios nga nahimong kinabuhi ug tanan nato—1 Ped. 5:10; 2 Cor. 13:14; Heb. 10:29:
1. Nagrepresentar ang napulog duha ka apostol sa grasya sa Bag-ong Tugon, nagtimaan nga ang grasya maoy tinubdan, elemento, ug palagianan nga mapalugwa ang Bag-ong Jerusalem—Bug. 21:14.
 2. Kinahanglan maumol ta sa nagsapawsapaw nga grasya, mangabudlay pinaagi sa grasya, magpaambit og grasya, ug mangalagad sa pulong sa grasya—Juan 1:16; 1 Cor. 15:10; 1 Ped. 4:10; Buh. 20:32.
 3. Gitukod ang Bag-ong Jerusalem sa pag-umol sa Dios sa Iyang Kaugalingon sa tawo aron masama ang tawo Kaniya sa kinabuhi ug

Mensahe 11 (sumpay)

kinaiya apan dili sa ranggo sa pagka-Dios aron mahimong hiniu-sang persona ug masigkapuluy-anan ang Dios ug ang tawo—Bug. 21:2-3, 10-11, 18-22.

4. Usa ra gyod ka buhat ang buhaton nato, nga mao ang buhat sa Bag-ong Jerusalem; kinahanglan mausa ta sa atong Dios nga nagbuhat sa sulod sa pagpadayon Niya sa pagdala sa mga pinili Niya agi sa dagkong lakang sa organicong kaluwasan Niya—pag-anak pag-usab, pagbalaan, pagbag-o, pagtransporma, ug pagpasama hangtod mahimaya.
 5. Sa ingon niini inang-ang tang mouswag hangtod makaabot ta sa kinabogang punto, nga masama na ta; wala nay unod ug wala nay natural nga pagkatawo; naa na sa espiritu ang tanan, ug mga tawo na sa Bag-ong Jerusalem ang tanan; kini ang kinahabogang punto sa buhat sa Dios, ug mga masigka-magbubuhay ta Niya—Juan 5:17; Fil. 2:13; Bug. 4:3; 21:11; 1 Cor. 3:9, 12; 2 Cor. 6:1; 1 Tes. 3:2.
 6. “Ang nahikay ug nahingpit nga Tulo-usang Dios, sumala sa Iyang gikahimut-an sa Iyang tinguha ug alang sa kinahabogang tuyo sa Iyang pamatigayon, nagtukod sa Iyang Kaugalingon nganha sa pinili Niyang katawhan ug sa pinili Niyang katawhan nganha sa Iyang Kaugalingon, aron makabaton Siyag inumol diha ni Cristo nga panagsagol sa Dios ug tawo nga mahimong organismo Niya, ug Lawas ni Cristo, nga walay kataposang pagpadayag Niya ug masigka-puluy-anan sa nagtubos nga Dios ug sa tinubos nga tawo. Ang kinataposang kahingpitan ning milagrosong estruktura sa bahandi mao ang Bag-ong Jerusalem sa eternidad”—Witness Lee.
- D. Hingpit gyod unta tang maginahin ngadto sa Dios aron hingpit nga masuropan sa Dios, magkinabuhi sa balaang kinabuhi alang sa iglesiahanong kinabuhi aron mahimo tang balaang syudad—Bug. 21:2; 2 Ped. 1:4:
1. Ang pagbag-o sa salabotan ug ang resulta nga pagkatransporma maggahin ug magluwas nato sa atong kinaiya ug pagkinabuhi nga natuhopan sa elemento sa kalibotan—Bug. 21:12a; Rom. 8:5-6; 12:2, 5-11; Efe. 4:23.
 2. Sa pagkinabuhi diha sa atong espiritu ug pagkaon kang Cristo nga tinagong manna, makadaog ta sa kalibotan ug mahimong balay sa Dios—1 Juan 5:4, 18-19, 21; Bug. 2:12-17; itandi sa Juan 14:30.
 3. Hingpit gyod unta tang maginahin gikan sa masimbahog diosdios nga kalibotan sa Babilonia, nga gitiman-an sa pagkadaotan sa negosyo, o komersyo, nga naglambigit og kahangol, limbong, ug paghigugma sa salapi; wala gyod untay paghigugma sa salapi ang Cristohanong kinabuhi nato, ug dili gyod unta pagpangitag-salapi ang Cristohanong buhat nato—Zac. 5:5-11; 1 Tim. 3:3, 8; 6:5-10; Buh. 11:29-30; 20:33-34; 2 Tim. 3:2-4; Heb. 13:5; 2 Cor. 2:17; 12:15; itandi sa 2 Hari 5:15-27:

Mensahe 11 (sumpay)

- a. Negosyante, magpapatigayon, si Satanas, ug segun sa prinsipyo sa komersyo ang iyang hunahuna nga kontra sa tuyo sa Dios sa paglalang Niya sa tawo—Ezeq. 28:16, 18; Job 1:9; itandi sa Fil. 3:7-8; Gen. 1:26.
 - b. Sa mga kargamentong gibaligya sa Babilonia, ang una mao ang bulawan ug ang kataposan mao ang kalag sa mga tawo; nagpasabot ang *kalag sa mga tawo* sa mga tawong nagbaligya sa ilang kaugalingon aron makatrabaho—Bug. 18:12-13; itandi sa 2 Ped. 2:3, 15.
 - c. Naghulagway kini dili lang sa umalabot nga Babilonia kondili sa kalibotan sab karon; gibaligya sa mga tawo ang ilang kalag, ilang kinabuhi, sa ato pa, ang ilang kaugalingon, sa ilang trabaho, ug gipasagdan ang Dios ug ang walay kataposang dangatanan nila—itandi sa Luc. 12:13-21.
 - d. Ibalik sa pagbuot sa Dios sa Babilonia (sa yuta sa Shinar) ang pagkadaotan sa negosyo, nga nakat-onan sa katawhan sa Israel sa mga taga-Babilonia sa pagkabihag nila—Zac. 5:10-11; Gen. 11:2, 9.
- E. Tukoron gyod nato ang paril aron mapanalipdan ang iglesia nga balay sa Dios:
1. Matukod nato ang paril pinaagi sa madaogong dugo sa Cordero, nga iaplikar kanato pinaagi sa paghinulsol nato, pagsugid sa atong mga sala, ug pagpahinlo sa Dios—Bug. 12:11; Sal. 51:18.
 2. Atimanon gyod nato ang panon sa Dios sa pagpatingog sa usa ka trumpeta sa bugtong-talagsaong pagpangalagad sa Bag-ong Tugon, ipahayag kanila ang tanang laraw sa Dios aron makompleto ang pulong sa Dios lakip na ang nanalipod nga pasidaan ug himsog nga pagtulon-an sa Ginoo, aron mahingkod sila diha ni Cristo—1 Cor. 14:8; Efe. 4:11; Buh. 20:26-35; Ezeq. 33:1-11; 34:25; Col. 1:24-29.
 3. Tukoron gyod nato ang paril aron mapanalipdan ang iglesia sa pagpakig-away nato sa gubat diha sa Lawas—Rom. 16:20:
 - a. Gisul-ob sa Lawas ang tibuok hinagiban sa Dios ug nanalipod sa tanang bahin; magpatambag ug magpatabon gyod ta sa Lawas aron mapanalipdan ug maampingan niini—Efe. 6:10-20; Mat. 16:18; Buh. 21:4, 11-12.
 - b. Naa ning prinsipyoha ang espirituhanong pakig-away—mogukod ang usa og usa ka libo, ug magpakalagiw ang duha og napulo ka libo—Deut. 32:30; Ecc. 4:9-12; Exo. 17:11-13.
 4. Tukoron gyod nato ang paril aron mapanalipdan ang interes sa kadata sa pagkadios sa Dios dinhi sa yuta ug ang mga nakab-ot sa Iyang pagkahingpit—itandi sa Juan 1:12-13; Isa. 9:6; 1 Cor. 15:45b; 2 Cor. 3:17; 4:5; Col. 1:18; Buh. 2:36; 5:31; Heb. 4:14; 9:15; 7:22; 8:2; 1 Juan 2:1; Juan 15:26; Rom. 8:34, 26.

Mensahe 11 (sumpay)

- F. Magkinabuhi gyod ta pinaagi ni Cristo ug ikinabuhi si Cristo, sa ingon niana mapadako si Cristo, aron matukod nato ang iglesia nga pagpadayag sa Dios—Exo. 40:34-35; 1 Hari 8:1-11; Rom. 13:14, 12; 1 Cor. 3:16-17; Fil. 1:19-21a; Bug. 21:3, 22, 10-11:
1. Ang paril sa syudad aron man mapadayag ang Dios; busa, ang “pagtukod sa paril” (Neh. 2:17) pagtukod man sa iglesia nga pagpadayag sa Dios (Mat. 16:18; Efe. 2:20-22; 4:11-16; 1 Cor. 3:9-17; Bug. 4:3; 21:11, 18-19).
 2. Sa pahiuili sa Ginoo karon nagbuhat Siya sa pagpahiuili sa normal nga kahintang ni Cristo diha sa hustong iglesia nga pagpadayag Niya—Efe. 3:16-21; Bug. 4:3; 21:11, 18-19.
 3. Aron makapadayag sa Dios, luwason gyod ta sa natural natong disposisyon ug sa pagkaanggid-sa-kaugalingon pinaagi sa pagkinabuhi sa nasagol nga kinabuhi uban sa Diosnong Trinidad diha sa nasakot nga kinabuhi sa tibuok Lawas ni Cristo—Rom. 5:10; Lev. 2:4-5; 1 Cor. 12:24.
 4. Aron makapadayag sa Dios, balaanon ug bag-ohon gyod ta adlaw-adlaw sa paghugas sa tubig nga naa sa pulong aron ikapresentar ta ni Cristo, sa Pamanhonon nato, isip putli, mahimayaon, nagpadayag-sa-Dios nga pangasaw-onon Niya—v. 24; Efe. 5:26-27.